

**ZAKON
O IZMJENAMA I DOPUNAMA
ZAKONA O POREZNOJ UPRAVI BRČKO DISTRIKTA BiH**

Na osnovu člana 23 Statuta Brčko distrikta Bosne i Hercegovine («Službeni glasnik Brčko distrikta BiH», brojevi 1/00, 4/00, 7/04, 20/05 i 24/05), Skupština Brčko distrikta Bosne i Hercegovine na 25. sjednici, održanoj 25. januara 2006. godine, usvaja

ZAKON O IZMJENAMA I DOPUNAMA ZAKONA O POREZNOJ UPRAVI BRČKO DISTRIKTA BiH

Član 1

U članu 1 Zakona o Poreznoj upravi Brčko distrikta BiH ("Sl. glasnik Brčko distrikta BiH", brojevi 3/02 i 42/04) briše se tačka iza riječi "Distrikt" u zagradi i dodaje tekst koji glasi:

"i osnov za provođenje i izvršavanje zakona iz oblasti poreza i na Zakonu zasnovanih podzakonskih propisa, te definišu prekršaji i sankcije iz oblasti poreza.", a ostatak teksta ostaje nepromijenjen, dodaje se stav 2 koji glasi:

"Ukoliko su odredbe ovog zakona kojima se reguliše saradnja Uprave s drugim organima Distrikta prava i obaveze Uprave i poreznih obveznika, identifikacija i registracija poreznih obveznika, podnošenje poreznih prijava i plaćanja poreza, utvrđivanje porezne obaveze i naplata poreza, prinudna naplata poreznih obaveza, inspekcijski nadzor, obračun i naplata kamata, odbici i povrat više plaćenih poreza, rokovi zastare za utvrđene porezne obaveze, naplata i povrat poreza, žalbe na porezna rješenja, kazne za prekršaj, podzakonski akti, porezna mišljenja i dostavljanje pismena drugačije uređena drugim zakonima Distrikta, tada se primjenjuju odredbe ovog zakona".

Član 2

U članu 3 tačka 2 mijenja se i glasi: **"Porezni obveznici" su pravna lica (preduzeća, finansijske organizacije, neprofitne organizacije i druga pravna lica upisana u sudski registar poslovnih subjekata kod nadležnog suda), preduzetnici i građani. Pojam poreznog obveznika uključuje i poreznog posrednika i svako drugo lice koje je po poreznim zakonima obavezno platiti porez, kaznu, kamatu i druge obaveze u skladu sa zakonima."**

Dodaju se tačke 2a, 2b i 2c koje glase:

2a. **"Preduzetnik" označava fizičko lice koje samostalno na tržištu obavlja djelatnost radi sticanja dohotka, a upisan je u sudski registar poslovnih subjekata i preduzetnika kod nadležnog suda".**

2b. **"Preduzeće" označava pravno lice koje samostalno na tržištu obavlja djelatnost radi sticanja dobiti, a upisano je u sudski registar poslovnih subjekata kod nadležnog suda".**

2c. **"Građanin" je rezident i nerezident Brčko distrikta BiH koji je dužan plaćati porezne obaveze propisane poreznim zakonima."**

tačka 7 mijenja se i glasi: **"Porezna tajna" je svaka informacija ili podatak o obvezniku koje imaju porezni organi. Uprava je dužna da obezbijedi sigurnost i povjerljivost poreznih informacija i podataka prikupljenih od obveznika koji bi u slučaju otkrivanja mogli štetiti obvezniku. Lice zaposleno u Upravi dužno je da čuva podatke i informacije dobijene prilikom rada kao profesionalnu tajnu. Porezne informacije i podaci primljeni kao službeni dokumenti mogu se dati:**

1. Organima i institucijama BiH, Distrikta i entiteta radi provođenja njihovih službenih poreznih dužnosti u skladu s poreznim zakonima,

2. Javnim tužilaštvima, organima pravosuđa BiH, Distrikta i entiteta radi utvrđivanja:

a) poreznih obaveza,

b) odgovornosti za porezni prekršaj i prinudnu naplatu i

c) porezna krivična djela,

3. Stranim državnim organima u skladu s međunarodnim ugovorima,

4. Drugim licima uz pismeni pristanak obveznika.

Poreznom tajnom ne smatraju se:

1. informacije i podaci za koje obveznik u pismenom obliku izjavi da se ne smatraju poreznom tajnom,

2. informacije i podaci dati u takvom obliku da se ne mogu povezati s pojedinačnim obveznikom ili se oni na drugi način ne mogu identifikovati,

3. ime, identifikacioni broj poreznog obveznika koji se koriste tokom inspeksijskog nadzora ili naplate obaveza, kao i brojevi transakcijskih računa kod poslovnih banaka,

4. informacije i podaci koji se mogu koristiti tokom istrage ili postupka u vezi s krivičnim djelima iz oblasti poreza i

5. informacije i podaci koji su dobijeni tokom porezne istrage ili za koje se saznalo prilikom prikupljanja drugih informacija, a za koje se u skladu s članom 9 ovog zakona zahtijeva da budu proslijeđeni nadležnim organima u slučajevima kad postoji sumnja da je izvršen prekršaj ili krivično djelo koje nije iz oblasti poreza."

U tački 12 podtački 1 briše se tekst "braća i sestre", a ostatak teksta ostaje nepromijenjen.

Dodaje se tačka 20 koja glasi:

20. "Lična dostava" smatra se uredno izvršenom ako je dostavljanje pismena izvršeno primaocu, članu domaćinstva, zaposleniku primaoca, kao i ostavljanjem pismena u unutrašnjosti poslovnog objekta, pribijanje na vrata stambenog objekta uz konstataciju dostavljača o načinu izvršenog dostavljanja, te ukoliko dostava nije izvršena na ovaj način, izvršit će se stavljanjem pismena na oglasnu ploču uprave".

Član 3

U članu 7 briše se tekst iza riječi "medije".

Dodaje se novi stav 2 koji glasi:

(2) "Uprava je obavezna izvijestiti Skupštinu o svom radu polugodišnje i godišnje".

Član 4

U članu 9 stavu 1 briše se tačka 8.

Član 5

U članu 15 stavu 1 dodaje se tačka 6a koja glasi:

"svaki pojedinačni ostvaren promet proizvoda, odnosno svaku pojedinačnu izvršenu uslugu evidentira preko registar kase ili softversko računarske opreme i da isječak iz registar kase odnosno račun iz računarskog štampača izda kupcu odnosno korisniku usluge".

Član 6

U članu 16 stav 1 mijenja se i glasi:

(1) Porezna uprava dodjeljuje jedinstveni identifikacioni broj poreznog obveznika po postupku i na način propisan Zakonom o registraciji poslovnih subjekata u Brčko distriktu BiH".

U stavu 2 iza tačke dodaje se tekst:

"Izdati identifikacioni broj poreznog obveznika, porezni obveznik mora istaknuti u sjedištu, a ovjerene fotokopije u mjestima na kojima obavlja registrovanu djelatnost".

Član 7

U članu 17 stav 1 se briše.

Član 8

U članu 20 stav 1 mijenja se i glasi:

(1) **"Porezna prijava se sastoji od izvještaja i drugih relevantnih dokumenata koje je lice dužno podnijeti Upravi na obrascu, u obliku, na način i mjestu propisanim poreznim zakonima i podzakonskim aktima Distrikta."**

Dodaju se novi stavovi 2 i 3 koji glase:

(2) **"Ukoliko porezna prijava nije podnesena na obrascu propisanom na način iz stava 1 ovog člana, smatra se da nije podnesena".**

(3) **"Porezni obveznik ili njegov zastupnik potpisuje poreznu prijavu. Poreznu prijavu potpisuje i stručno lice kome je povjereno vođenje knjiga i evidencija i unosi svoj broj poreznog obveznika i pečat, osim u slučajevima, kada je stručno lice zaposleno kod poreznog obveznika, tada stavlja samo svoj potpis."**

Član 9

U članu 21 u stavu 1 riječi: **"može podnijeti"** zamjenjuju se riječju: **"podnosi"**, ostatak teksta ostaje nepromijenjen. Briše se tačka na kraju stava i dodaje tekst:

" Najkasnije do isteka godine u kojoj je rok za podnošenje porezne prijave".

Dodaje se novi stav 3 koji glasi:

(3) **"Porezna prijava koju podnosi Uprava sačinjava se i podnosi na istom obrascu, kao i porezna prijava koju podnosi sam obveznik, u dva primjerka, od kojih se jedan dostavlja obvezniku, s tim da na ovoj prijavi treba da stoji naznaka da se radi o poreznoj prijavi koju podnosi Uprava u ime poreznog obveznika".**

Član 10

U članu 22 u stavu 2 tekst: **"do dana dospijeća porezne prijave"** zamjenjuje se tekstem: **"do roka propisanog za podnošenje prijave"**.

Dodaju se stavovi 4, 5, 6, 7 i 8 koji glase:

(4) **"Porezni obveznik koji otkrije da je napravljena greška ili propust na poreznoj prijavi koju je ranije podnio ili ju je podnio neko u njegovo ime, a koja je dovela do pogrešno prijavljene obaveze podnosi izmijenjenu poreznu prijavu u kojoj je izvršena ispravka greške uz pismeno obrazloženje"**.

(5) **"Izmijenjenu poreznu prijavu porezni obveznik podnosi na istom obrascu na kojem je podnesena porezna prijava koja je predmetom izmjene"**.

(6) **"Izmijenjena porezna prijava se može podnijeti samo jednom za obračunski period na koji se prijava odnosi, a najkasnije do isteka godine u kojoj je rok za podnošenje porezne prijave"**.

(7) **"Ako porezni obveznik izmijenjenu poreznu prijavu podnosi nakon prijema obavještenja od Uprave da je u ranije podnesenoj poreznoj prijavi napravljena greška ili propust, tada izmijenjenu poreznu prijavu obveznik mora podnijeti u skladu sa instrukcijama navedenim u obavještenju i u rokovima propisanim u obavještenju"**.

(8) **"Porezni obveznik je dužan na izmijenjenu poreznu prijavu staviti naznaku da se radi o izmijenjenoj poreznoj prijavi"**.

Član 11

Podnaslov "**Obračunavanje poreza**" zamjenjuje se podnaslovom "**Dospijeće porezne obaveze**".
U članu 25 stav 1 mijenja se i glasi:

(1) "**Plaćanje porezne obaveze dospijeva na dan roka za podnošenje porezne prijave**".

Član 12

U članu 26 stavu 1 riječi: "**rješenja o razrezu poreza**" zamjenjuju se riječima: "**naloga za plaćanje dospjelih poreznih obaveza**", a ostatak teksta ostaje nepromijenjen.

Član 13

U članu 28 stavu 1 tačka 1 tekst iza riječi "**prije**" zamjenjuje se tekstem: "**utvrđivanja porezne obaveze poreznom obvezniku**".

Član 14

Iza člana 29 dodaje se novi član 29a koji glasi:

"**Poreznu obavezu koja se odnosi na investicioni fond u postupku likvidacije izmiruje upravljačko preduzeće iz novčanih sredstava investicionog fonda uključujući prihode od prodaje njegove imovine**".

Član 15

Dodaje se novi član 29 b koji glasi:

(1) "**U slučaju bilo kojeg oblika reorganizacije pravnog lica ili organizacije (spajanje, pridruživanje, dijeljenje, odvajanje, itd.) poreznu obavezu pravnog lica ili organizacije koja je bila predmet reorganizacije izmiruje njen pravni sljedbenik, a pravni sljedbenici solidarno**".

(2) "**Odgovornost za plaćanje kazne za kršenje poreznih zakona koje se desilo prije reorganizacije pravnog lica ili organizacije prelazi na nasljednika (nasljednike) - pravnog sljedbenika pravnog lica ili organizacije koja je bila predmet reorganizacije, a na pravne sljedbenike solidarno**".

Član 16

Iza člana 30 dodaje se član 30a koji glasi:

(1) "**Inspektori Uprave imaju pravo utvrditi identitet lica koja obavljaju djelatnost bez pribavljenog identifikacionog broja poreznog obveznika**".

(2) "**Inspektori Uprave imaju pravo građaninu koji obavlja djelatnost bez izvršenog upisa djelatnosti u sudski registar na obračunati dohodak utvrditi porez uvećan za 50%**".

Član 17

U članu 31 u stavu 1 briše se dvotačka i dodaje tekst:

" **do donošenja rješenja o prekršaju, odnosno presude o krivičnom djelu ili otklanjanja nedostataka u slučajevima:**"

Briše se tačka 2, a dodaju se nove tačke 2 i 3 koje glase:

2. "**ukoliko obavlja djelatnost za koju nije registrovan i nema broj poreznog obveznika izdat od nadležnog organa**".

3. "**ukoliko ne vodi knjige i evidencije**".

Dodaje se novi stav 2 koji glasi:

(2) "Uprava je ovlaštena u slučajevima iz stava 1 ovog člana privremeno zabraniti rad poreznog obveznika, pečaćenjem ili na drugi pogodan način, te zatvoriti poslovne i druge prostorije, onemogućiti korištenje prostorija, uređaja i drugih sredstava za rad bez obzira da li su u vlasništvu ili u zakupu poreznog obveznika".

Član 18

Iza člana 31 dodaje se novi član 31a koji glasi:

(1) "Eksternu kontrolu vrše inspektori Uprave kao ovlaštena službena lica, samostalno na osnovu ovlaštenja utvrđenih ovim zakonom i drugim propisima i odlučuju o preduzimanju upravnih i drugih mjera u skladu sa Zakonom".

(2) "Inspektori imaju službenu legitimaciju i značku".

(3) "U vršenju propisanih ovlaštenja inspektori mogu zahtijevati pomoć i asistenciju Policije Brčko distrikta BiH, koju su im oni obavezni pružiti".

(4) "Inspektor rješenjem privremeno zabranjuje raspolaganje sredstvima na žiroračunu, ako se porezni obveznik ne može pronaći na prijavljenoj adresi sjedišta".

Član 19

U članu 32 u stavu 1 riječ: "Uprava" zamjenjuje se tekstem: "inspektor Porezne uprave privremeno", a ostatak teksta ostaje nepromijenjen.

U tački 1 briše se dvotačka i dodaje tekst: "ili djelatnost obavlja bez pribavljenog identifikacionog broja poreznog obveznika".

Stav 2 mijenja se i glasi:

(2) "U slučaju iz stava 1 ovog člana, inspektor će donijeti rješenje o utvrđivanju poreznih obaveza shodno odredbama poreznih Zakona".

Stav 3 mijenja se i glasi:

" Nakon donošenja rješenja o prekršaju i uplate porezne obaveze iz stava 2 ovog člana, roba oduzeta shodno stavu 1 ovog člana će biti vraćena".

Član 20

U članu 33 u stavu 1 riječ: "nalaz" zamjenjuje se riječju: "zapisnik" te se iza riječi "stanju i" dodaje tekst: " utvrđenim obavezama ", a ostatak teksta do riječi "ukoliko" se briše".

Stav 2 mijenja se i glasi:

(2) "Porezni obveznik ima pravo uložiti prigovor na zapisnik o utvrđenom činjeničnom stanju u roku od 5 dana od dana prijema zapisnika. Prigovor se podnosi Upravi. Prigovor će razmotriti komisija od 3 člana (od kojih je stalni član direktor Uprave, drugi član šef sektora Eksterne kontrole, a treći član inspektor koji je vršio kontrolu), te donijeti rješenje u roku od 8 dana od dana prijema prigovora. Rješenje potpisuje inspektor i dostavlja ga poreznom obvezniku".

Dodaju se novi stavovi 2a i 2b koji glase:

(2a) "Ako su zapisnikom utvrđene nezakonitosti ili nepravilnosti u pogledu obračuna, evidentiranja i plaćanja javnih prihoda, a nije izjavljen prigovor, inspektori će donijeti rješenje kojim će naložiti uplatu dodatno utvrđene porezne obaveze i dati uputstva o otklanjanju nedostataka i nepravilnosti."

(2b) " Na rješenja o obračunu i plaćanju zakonske obaveze, porezni obveznik ima pravo žalbe u roku od 8 dana od dana prijema rješenja. Žalba se dostavlja Apelacionoj komisiji Distrikta putem Uprave. Žalba ne odlaže izvršenje rješenja."

Član 21

U članu 34 stavu 1 riječ **"može"** se briše, a umjesto riječi: **"koristiti"** piše se riječ: **"koristi"**, a ostatak teksta ostaje nepromijenjen.

Član 22

Iznad člana 38 u podnaslovu **"nalog za plaćanje porezne obaveze"** brišu se riječi **"nalog za"**.

U članu 38 stav 1 se briše, u stavu 2 brišu se riječi **"osim ako porezni obveznik ne naznači drugačije"**, te se iza tačke 2 dodaje nova tačka 2a koja glasi:

"2a. kazne"

Član 23

U glavi X naslov: **"Razrez poreza"** zamjenjuje se naslovom: **"Utvrdjivanje porezne obaveze"**.

Podnaslov: **"Opće odredbe o razrezu poreza"** zamjenjuje se podnaslovom: **"Opće odredbe o utvrđivanju porezne obaveze"**.

Član 24

Član 39 mijenja se i glasi:

(1) **"Utvrdjivanje porezne obaveze je evidentiranje iznosa poreznih obaveza obveznika u evidenciju Uprave"**.

(2) **"Utvrdjivanje porezne obaveze Uprava vrši:**

1. po prijemu porezne prijave ili izmijenjene porezne prijave obveznika u kojoj je obračunao obavezu,

2. po usklađivanju iznosa obaveze prijavljene u poreznoj prijavi na osnovu rezultata kontrole i svih informacija, shodno članu 34 ovog zakona,

3. po podnošenju porezne prijave koju je Uprava pripremila u ime obveznika i u kojoj je Uprava obračunala obavezu".

(3) **"U slučaju kada je utvrđivanje izvršeno prema stavu 2 tačkama 2 i 3 ovog člana Uprava će donijeti rješenje o utvrđivanju dodatne porezne obaveze"**.

Član 25

U Glavi X iza člana 39 podnaslov: **"Rješenje o razrezu poreza"** zamjenjuje se podnaslovom: **"Nalog za plaćanje utvrđenih obaveza"**.

Član 26

U članu 40 u stavu 1 riječ i broj: **"petnaest (15)"** zamjenjuju se riječju i brojem: **"deset (10)"**, a riječi: **"rješenje o razrezu poreza"** zamjenjuju se riječima: **"nalog za plaćanje obaveza"**

Dodaju se novi stavovi 1a i 1b koji glase:

(1a) **"Nalog za plaćanje utvrđenih obaveza je pismeni akt kojim Uprava nalaže obvezniku da plati obaveze"**.

(1b) **"Nalog za plaćanje utvrđenih obaveza, Uprava donosi kad utvrdi da obveznik nije platio obavezu. Pri utvrđivanju iznosa obaveze u nalogu za plaćanje Uprava uzima u obzir i sve uplate koje je obveznik uplatio u periodu utvrđivanja obaveza"**.

U stavu 2 riječ i broj: **"petnaest (15)"** zamjenjuju se riječju i brojem: **"deset (10)"**.

U stavu 3 riječi: **"rješenje o razrezu poreza"** zamjenjuju se riječima: **"nalog za plaćanje obaveza"**.

Tačka 2 mijenja se i glasi: **"identifikacioni broj poreznog obveznika ili JMBG"**.

U tački 3 riječ: **"rješenje"** zamjenjuje se riječima: **"nalog za plaćanje obaveza"**.

U tački 4 riječ: **"porez"** zamjenjuje se riječju: **"obaveze"**.

Tačka 6 mijenja se i glasi: **"kratak opis osnove za određivanje iznosa iz tački 4 i 5"**.

Tačka 9 se briše.

Tačka 10 mijenja se i glasi:

10. "Posebnu naznaku da će u slučaju neplaćanja obaveze u datom roku Uprava bez daljnjeg obavještanja pristupiti prinudnoj naplati".

Tačka 11 se briše.

Stav 4 mijenja se i glasi:

"Ako više solidarnih poreznih obveznika odgovaraju za porezne obaveze, onda se nalog za plaćanje porezne obaveze izdaje bilo kojem ili svim poreznim obveznicima".

Iza stava 4 dodaje se novi stav 5 koji glasi:

(5) "Ako porezni obveznik smatra da porezna obaveza navedena u nalogu za plaćanje obaveza nije tačna, porezni obveznik ili njegov zastupnik će odmah kontaktirati Upravu i dati puno objašnjenje s dokazom o izvršenoj uplati ili pogrešnom obračunu porezne obaveze. Ovakve informacije Uprava će razmotriti i ako se utvrdi da je porezni obveznik u pravu, greška načinjena u nalogu se otklanja. Ako se utvrdi da informacije koje je dostavio porezni obveznik ne mijenjaju iznos porezne obaveze iz naloga o plaćanju, tada porezna obaveza mora biti plaćena u iznosu i roku navedenom u nalogu".

Član 27

U članu 41 stav 2 riječ i broj: **"petnaest (15)"** zamjenjuju se brojem i riječju : **"8 (osam)"**.

Član 28

U članu 44 dodaje se novi stav koji glasi:

(3) " Službenici prinudne naplate su ovlašteni radnici Uprave i imaju službenu legitimaciju".

Član 29

U članu 45 stav 1 mijenja se i glasi:

"Ukoliko obaveza nije izmirena, postupak prinudne naplate pokreće se po isteku roka za plaćanje porezne obaveze iz naloga za plaćanje".

Stav 3 mijenja se i glasi:

(3) "Rješenje o pokretanju postupka prinudne naplate sadrži:

- 1. ime i prezime – naziv i adresu poreznog obveznika**
- 2. identifikacioni broj poreznog obveznika ili JMBG**
- 3. datum prijema naloga za plaćanje od poreznog obveznika**
- 4. vrstu i iznos dugova**
- 5. iznos obračunatih troškova prinudne naplate propisane članom 46 ovog zakona**
- 6. iznos dospjele kamate**

7. pouku o pravnom lijeku:

8. posebne naznake

- da je prinudna naplata počela jer obaveza nije plaćena u roku koji je odredila Porezna uprava u nalogu za plaćanje

- da se prinudna naplata duga iz cjelokupne imovine može izvršiti bez daljnjih obavještenja

- da se nikakve mjere prinudne naplate neće preduzeti ako je uplata obaveza izvršena u roku od 3 dana od dana prijema rješenja'.

Dodaje se novi stav koji glasi:

(4a) "Ukoliko Uprava postupak prinudne naplate pokreće po zahtjevu organa i institucija BiH, entiteta i Distrikta, oni su obavezni u zahtjevu navesti: ime i prezime, odnosno naziv i tačnu adresu dužnika, JMBG, izvršni naslov, opomenu za plaćanje duga".

U stavu 5 u tačkama 2 i 3 iza riječi "KM" dodaje se tekst: "na osnovu procjene Uprave".

Dodaje se novi stav (5a) koji glasi:

(5a) "Povezano lice shodno članu 3 stavu 1 tački 15 ovog zakona odgovara za obaveze poreznog obveznika".

Član 30

U članu 46 u stavu 1 tačka 1 mijenja se i glasi:

1. "5% od ukupne porezne obaveze kao trošak naplate, ali ne manje od 100 KM".

Član 31

U članu 47 stav 3 mijenja se i glasi:

(3) "Rješenje o obustavi transakcija preko računa poreznog obveznika otvorenog u banci, Uprava dostavlja poreznom obvezniku i svim bankama u kojima porezni obveznik ima račun".

Stav 4 se briše.

U stavu 5 iza riječi "poreza" dodaje se tekst: "kazne, taksa i troškova postupaka koji se vode kod ovog organa", ostatak teksta ostaje nepromijenjen.

Član 32

U članu 48 stav 2 mijenja se i glasi:

(2) "Rješenje o pljenidbi novčanih sredstava s računa poreznog obveznika Uprava dostavlja poreznom obvezniku i svim bankama u kojima porezni obveznik ima račune".

Stav 3 se briše.

U stavu 5 iza riječi "porez" dodaje se tekst: "kazne, taksa i troškove postupka koji se vodi kod ovog organa", ostatak teksta ostaje nepromijenjen.

Član 33

U članu 50 u stavu 2 briše se tekst iza riječi "u skladu sa", a dodaje tekst: "odredbama zakona koji reguliše ovu oblast".

U stavu 3 iza riječi "slučaju" dodaju se riječi: "sumnje od", ostatak teksta ostaje nepromijenjen do riječi "kazni" iza koje se dodaje tekst ", troškova postupka koji se vodi kod ovog organa", ostatak teksta ostaje nepromijenjen.

U stavu 4 broj "5" zamjenjuje se brojem "6".

U stavu 6 tekst: "kojim se dozvoljava" zamjenjuje se riječima: "o pljenidbi", ostatak teksta ostaje nepromijenjen, stav 10 mijenja se i glasi:

(10) "Istovremeno s pljenidbenim popisom može se obaviti i procjena pokretne imovine, a najkasnije u roku od 10 dana od izvršenog popisa. Procjenu obavlja službenik Uprave".

U stavu 12 broj: "13" zamjenjuje se brojem: "15".

U stavu 13 iza riječi "**pljenidbe**" dodaje se tekst "**i sve ostale troškove izazvane provođenjem ove mjere**", ostatak teksta ostaje nepromijenjen.

Član 34

U članu 51 u stavu 1 riječi: "**rješenje o razrezu poreza**" zamjenjuju se riječima: "**u rješenju o pokretanju postupka prinudne naplate**".

U stavu 2 briše se tačka i dodaje tekst "**a na osnovu rješenja Uprave**".

U stavu 3 brišu se riječi: "**založno pravo**" i piše tekst: "**rješenje iz stava 2 ovog člana**".

Član 35

U članu 54 dodaje se novi stav 2a koji glasi:

(2a) "**Ako je podnesen zahtjev za odgođeno plaćanje ili plaćanje u ratama postupak prinudne naplate se može obustaviti i pokreću se postupci koji se tiču odgađanja plaćanja kako je predviđeno ovim zakonom i podzakonskim aktima**".

U stavu 5 briše se tačka iza riječi "**poništava**" i dodaje tekst:

"kao i u slučaju neredovnog plaćanja tekućih poreznih obaveza".

Član 36

U članu 56 u stavu 2 riječ: "**robe**" zamjenjuje se riječju: "**imovine**", te se na kraju stava dodaje tekst: "**Imovina se vrjednuje po najnižoj cijeni po kojoj je nuđena u postupku prodaje od Uprave**".

Član 37

U članu 59 u stavu 1 riječi: "**poreznog obveznika**" zamjenjuju se riječima: "**naplativih obaveza**".

U stavu 3 briše se prva rečenica. Iza riječi "**pravno lice**" dodaju se riječi: "**i fizičko lice**", ostatak teksta ostaje nepromijenjen.

Član 38

U članu 61 stavu 1 riječ: "**nelikvidnost**" zamjenjuje se riječju: "**nesolventnost**".

Član 39

U članu 62 u stavu 1 tačka 3 mijenja se i glasi:

3. "**Troškovi i novčane kazne, izrečeni u prekršajnom postupku koji se vodi kod ovog organa**".

Član 40

U članu 66 stav 2 se briše.

Član 41

Iznad člana 67 u podnaslovu briše se riječ "**automatski**".

U članu 67 u stavu 1 riječ: "**automatski**" zamjenjuje se tekстом: "**po zahtjevu stranke**", u stavu 2 riječ "**automatski**" se briše.

Član 42

U članu 68 u stavu 1 briše se riječ "automatski".

Dodaje se novi stav 1a koji glasi:

(1a) "Uprava neće vršiti povrat pretplate ukoliko je u poreznim evidencijama Uprave evidentiran dug po bilo kom osnovu".

Član 43

U glavi XV podnaslov: "razrez poreza" zamjenjuje se podnaslovom: "Rokovi zastare".

U članu 69 u stavu 1 riječi: "razrez porezne obaveze" zamjenjuje se riječima: "utvrđivanje porezne obaveze".

Dodaje se novi stav (3) koji glasi:

«(3) Zastarijevanje se prekida svakom radnjom koju je preduzela Porezna uprava u cilju utvrđivanja i naplate poreza».

Član 44

U članu 70 stav 1 mijenja se i glasi:

(1) "Ako je porezna obaveza utvrđena u roku, takva obaveza, se može naplatiti uz primjenjivanje mjera prinudne naplate ili sudskim putem, samo ako su mjere prinudne naplate ili sudski postupak počeli u roku od 5 godina po dospijeću porezne obaveze".

Dodaje se novi stav 3 koji glasi:

(3) "Rok za naplatu ne teče za period tokom kojeg je fizičko lice izvan područja Distrikta u neprekidnom trajanju preko 6 mjeseci".

Član 45

U članu 73 stav 1 mijenja se i glasi:

(1) "Uprava sprovodi prekršajni postupak u oblasti koje su joj zakonima stavljene u nadležnost. Prekršajni postupak vodi i rješenje o prekršaju donosi ovlašteno službeno lice u skladu sa Zakonom o prekršajima Brčko distrikta BiH".

U stavu 2 riječ: "odluka" zamjenjuje se riječju: "rješenje".

Stav 3 se briše.

Član 46

Iznad člana 74 mijenja se podnaslov i glasi: "Prekršaj neizdavanja isječka iz registar kase".

U članu 74 stav 1 mijenja se i glasi:

(1) "Pravno lice koje ne izda kupcu račun ili isječak trake iz kase prilikom prodaje proizvoda ili pri vršenju usluga (član 15 tačka 7) kaznit će se za prekršaj novčanom kaznom od 1000 KM do 5000 KM".

U stavu 3 riječi: "fizičko lice" zamjenjuju se riječju: "preduzetnik".

Član 47

Dodaje se novi član 74 a iznad kojeg se piše podnaslov: "Nepribavljanje identifikacionog broja poreznog obveznika".

(1) "Pravno lice koje obavlja poslovnu djelatnost bez pribavljenog identifikacionog broja poreznog obveznika (član 16 stav 1) kaznit će se za prekršaj novčanom kaznom od 1.000 KM do 10.000 KM, te mu se može izreći zaštitna mjera zabrane obavljanja određene privredne djelatnosti u trajanju od 6 mjeseci do 5 godina".

(2) "Odgovorno lice u pravnom licu kaznit će se za prekršaj iz stava 1 ovog člana novčanom kaznom od 500 do 2.000 KM, te mu se može izreći zaštitna mjera zabrane vršenja određene dužnosti u trajanju od 6 mjeseci do 2 godine".

(3) "Preduzetnik će se kazniti za prekršaj iz stava 1 ovog člana novčanom kaznom od 500 KM do 2.000 KM, te mu se može izreći zaštitna mjera zabrane vršenja samostalne djelatnosti u trajanju od 3 mjeseca do godinu dana".

Član 48

Dodaje se novi član 74b iznad kojeg se piše podnaslov: "**Bespravno obavljanje djelatnosti**" koji glasi:

"Građanin koji obavlja djelatnost bez izvršenog upisa u sudski registar kaznit će se za prekršaj novčanom kaznom od 100 KM do 1.000 KM".

Član 49

U članu 75 u stavu 4 riječi: "**fizičko lice**" zamjenjuju se riječju: "**preduzetnik**".

Član 50

U podnaslov iznad člana 76 dodaje se tekst: "**i nepružanje informacije**".

U članu 76 u stavu 1 iza riječi "kontrole" dodaje se tekst: "**i ne pruži potrebne informacije u vezi s poreznom obavezom i druge informacije vezane za provođenje zakona**".

U stavu 3 riječi: "**fizičko lice**" zamjenjuje se riječju: "**preduzetnik**".

Član 51

Dodaje se novi član 76a iznad kojeg se piše podnaslov: "**Onemogućavanje utvrđivanja identiteta**" koji glasi:

"Građanin koji odbije da inspektorima Uprave pruži tačne podatke o svom identitetu, te na taj način onemogućava utvrđivanje svog identiteta kaznit će se novčanom kaznom od 100 KM do 1.000 KM".

Član 52

U članu 78 u stavu 1 briše se tekst iza riječi "**u iznosu od**" i piše tekst: "**1.000 do 5.000 KM**".

U stavu 4 riječi "**fizičko lice**" zamjenjuje se riječju: "**preduzetnik**".

Član 53

U članu 79 u stavu 4 riječi: "**fizičko lice**" zamjenjuju se riječju: "**preduzetnik**".

Član 54

U članu 80 u stavu 3 riječi: "**fizičko lice**" zamjenjuje se riječju: "**preduzetnik**".

Član 55

U članu 81 u stavu 1 iza riječi "**koja**" dodaje se tekst: "**ne vodi ili**", ostatak teksta ostaje nepromijenjen do riječi "**u iznosu od**", a ostatak teksta se briše i dodaje tekst: "**1500 – 5000 KM, te mu se može izreći zaštitna mjera zabrane obavljanja određene privredne djelatnosti u trajanju od 6 mjeseci do 5 godina ukoliko je za isti ili sličan prekršaj kažnjavan u posljednje 2 godine.**"

U stavu 2 briše se tačka i dodaje tekst: "**te mu se može izreći zaštitna mjera zabrane vršenja određene dužnosti u trajanju od 6 mjeseci do 2 godine**".

Stav 3 mijenja se i glasi:

3. "Preduzetnik će se kazniti za prekršaj iz stava 1 ovog člana novčanom kaznom u iznosu 200 - 1000 KM, te mu se može izreći zaštitna mjera zabrane vršenja samostalne djelatnosti u trajanju od tri mjeseca do godinu dana ukoliko je za isti ili sličan prekršaj kažnjavan u posljednje 2 godine".

Član 56

Dodaje se novi član 84a iznad koga se piše podnaslov: "**Prekršaj postupka o predaji imovine**".

(1) "Pravno lice koje odbije da preda imovinu (član 50) kaznit će se za prekršaj novčanom kaznom od 5.000 KM do 20.000 KM.

(2) "Odgovorno lice u pravnom licu kaznit će se za prekršaj iz stava 1 ovog člana novčanom kaznom od 1.000 KM do 5.000 KM.

(3) "Preduzetnik će se kazniti za prekršaj iz stava 1 ovog člana novčanom kaznom od 1.000 KM do 5.000 KM".

Član 57

Dodaje se novi član 93 koji glasi:

"Stupanjem na snagu ovog zakona prestaje primjena Zakona o finansijskoj policiji ("Sl. Novine FBiH", broj 2/95)".

Član 58

Ovaj zakon stupa na snagu danom donošenja i objavit će se u »Službenom glasniku Brčko distrikta BiH».

Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКО ДИСТРИКТА

Bosna i Hercegovina
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKTA

Broj: 0-02-022-5/06
Brčko, 25. januar 2006. godine

PREDSJEDNIK
SKUPŠTINE BRČKO DISTRIKTA BiH

Prof. dr. Milan Tomić